

Acehnese - Zabur - Praying WP Psalms

Zabur 68:1,2 Keu teupimpén kor. Zabur Nabi Daud. 2 Jehovah geubeudôh geujak peu crebre bubena musoh Gobnyan, ureuëng nyang banci Gobnyan laju jiplueng dikeue Gobnyan.

Zabur 5:9,10 Ya TUHAN, lumpah that le musoh ulôn! Neubimbéng kheueh ulôn mangat jeuet lôn peubuet keuheundak Droeneueh, dan neutunyok kheueh rot Droeneueh nyang harôh ulôn jak. 10 Sabab tutoe haba musoh ulôn hana jeuet teupeucaya; lam até awaknyan ka peunoh deungon reuncana jeuhet. Tutoe haba awaknyan maméh bantumpo lom lumpah maméh, teuma lam baten awaknyan ka peunoh deungon nyang brôk.

Zabur 11:6 Ureuëng jeuhet geuhuköm deungon mala peutaka, deungon apui, beulerang dan angén nyang hase jipeuhangôh peue nyang na.

Zabur 18:14 Laju TUHAN lagée geulanteue di angkasa; Nyang Mahamanyang geupeudeungoe su droe Gobnyan.

Zabur 18:17 Di ateueh TUHAN geu sunyueng jaroe Geuh; laju geumat ulôn dan geutarek lam tuwie ié nyang lhok.

Zabur 18:39 Ulôn seumpom awaknyan sampoe hana hasele jibeudôh, awaknyan reubah hana meudaya dimiyueb gaki ulôn.

Zabur 18:45 Ureuëng-ureuëng aséng tundok ubak ulôn dan jitaát watée jideungoe peue nyang lôn peurintah.

Zabur 27:11 Neutunyok kheueh bak ulôn keuheundak Droeneueh, ya TUHAN, neubimbéng kheueh ulôn bak jalan nyang beuna, sabab musoh ulôn le lumpah na.

Zabur 35:1-9 Zabur Nabi Daud. 2 Neucok kheueh utar-utar dan peurisai Droeneueh, dan neubeudôh kheueh jak tulông ulôn. 3 Beuôt kheueh leumbeng dan kapak Droeneueh keu neulawan ureuëng nyang tiyeub ulôn. Neupeugah kheueh ubak ulôn bahwa Droeneueh nyang peuseulamat lôn. 4 Bah kheueh ureuëng nyang keuneuk poh maté lôn neupeutaloe dan neupeumalée. Bah kheueh ureuëng nyang meusapat dan mupakat jijak lawan lôn surot kheueh lam keuadaan bingong. 5 Bah kheueh awaknyan geupeulet lé malaikat TUHAN, lagée sikéum angén tampo. 6 Bah kheueh awaknyan jipeulet lé malaikat TUHAN nibak jalan nyang seupôt dan glue. 7 Teusia payah mantong awaknyan jiteun taron keu ulôn, atawa jikueh uruek keuneuk jijak droeb ulôn. 8 Bah kheueh awaknyan keunong binasa deungon hana jisangka-sangka. Bah kheueh

awaknyan meucarueh lam taron jih keudroe laju reubah dan binasa. 9 Teuma ulôn meukurak-surak sabab lé TUHAN, até ulôn galak ngon geumbira kareuna Gobnyan geupeuseulamat ulôn.

Zabur 52:5 Gata leubeh tacinta keu nyang jeuhet nibak nyang jroh, dan leubeh galak tameusulet nibak tapeugah haba nyang beuna.

Zabur 60:12 Ya Jehovah, peu kheueh Droeneueh hana neuseutôt meusajan kamoe? Peu kheueh Droeneueh hana neumaju meusajan tantra kamoe?

Zabur 66:3 Tapeugah kheueh ubak Po teu Jehovah, "Keubit lumpah that kagom buet Droeneueh! Musoh jitundok ubak Droeneueh peunoh deungon teumakot, sabab kuasa Droeneueh nyang lumpah raya.

Zabur 68:35 Keubit that takjob Jehovah geutanyoe watée Gobnyan geuteubiet di teupat tinggai Geuh. Jehovah Israel geubri kuasa dan teunaga ubak umat Gobnyan.

Zabur 70:1 Keu teupimpén kor. Nibak Nabi Daud, bak watée teupeuseumah keureubeuen peuingat.

Zabur 71:13 Bah kheueh ureuëng nyang prang ulôn neupeumalée dan neusampôh nibak muka bumoe. Meunan cit bah kheueh ureuëng nyang keuneuk peuceulaka ulôn jiteuka bingong dan bansaboh tuboh jih keunong hina.

Zabur 76:12 Peutrok kheueh janji gata ubak TUHAN Jehovah gata, bah kheueh banmandum bansa nyang na tinggai rab jiba peuseumahan keu Po teu Jehovah nyang jitakot.

Zabur 118:10 Jai that musoh di keulileng ulôn; deungon kuasa TUHAN, awaknyan habéh mandum ulôn peutaloe.

Zabur 118:12 Lagée unou awaknyan jiparan sikeulileng ulôn; deungon kuasa TUHAN, awaknyan habéh ulôn peutaloe. Lam sikleb siklab awaknyan habéh teupeulon lagée apui hu nyang teungoh teutot tamah meuduro.

Zabur 149:8,9 keu geubeuleunggu raja-raja, dan geubôh ranté ubak bubena peunguasa awaknyan; 9 keu teuhuköm bansa-bansa ateueh peurintah Jehovah. Nyan kheueh keumeunangan umat nyang geugaséh.

Pastor T. John Franklin
Church of Salvation, Healing, and Deliverance
COS-HAD.org